

سقوط اسلام تاریخی اوکنده

جنکیز ، هلاکو ، تیمورلنک

— ۱ —

کچن هفته « بر تورکک شیخ الاسلام افندی به صوک سوزی » عنوانی اثرندن بر بندینی نقل ایتدی کمز محمد شرف بک « سقوط اسلام تاریخی اوکنده » عنوانیه ادرنه دده بزم مقاله لر گوئنده رمک لطفنده بولوندی ، برنجی مقاله یی اجتهاده نقل ایدیورز :

بو کون دیار اسلامک سقوط حاضرینی تدقیق ایدرکن ایکی سبب قارشوسنده بولئیورز : جهل و تعصب !
بتون شو دوشکونلکلرک اساسی بوندن عبارتدر .
حال بوکه بو سبیلر اسلامیتک اساسه هیچ بروجهله تغلق اولمیان ایکی سیاه بلای صائلدرکه اسلام تاریخی طولدیران او ابد شان مدنیتک پیرامن اجلانی پارچالایان سبیلر داها خصوصی داها ظالم هجوملردن ایلری کلمشدر .
هر حالده عالم اسلام شو شیمدی دالیدی غور جهنمی جهالتده بو قدر متعصبانه یوزمیور ... بو رتبه نوردن ، عرفاندن ، وقوفدن کریزان بر موجودیت نائمانه سوروکلوردی و بیک اوج یوز سنه اول مکینک سمای حارندن پارلایان بر نور هندی آفاق مظلم یی اشراق ایدرکن توابع ایماندارینه جهلی ، تعصبی دکل عرفانی ، سعی بدرقه رشاد و خلاص اولمق اوزره کوستریوردی .
بادیه لریک بین قاووران آتشین قوملری آراسیندن چیقاردینی بر اردو ایله اوج بیوک قطعه نیک باشقه لسان ، باشقه دین ، باشقه تاریخ ترنم ایدن اقوامی نقطه وحدته طوبلایان قوت البته جهالت دکلدی و البته تعصب ده دکلدی .
دین اسلام ، موضوعی اعتباریه بشرک سفیل و ناکام حیاته برمتکای متین و جلیل اولمق اوزره تبلیغ ایدلیدی کون دعوت ایتدیکی اشخاصک حیات اجتماعی و مدنیلهری هر حالده حضرت یسوعک تلقین ایمان ایلدیکی محیط تفهمدن یوسک دکلدی و بونکله برابر فیض اسلام ایشته بویله هر شیدن غیروم ، هر شیدن جدا و نهایت بک بیوک

بر محدودیت ادراک و وقوف ایچنده بویان بر خلقک ذهنتی اوستنده او یله بر خارقه حیات کوستردی که داها یکرمنجی سنه دوریه سنده اورته یه کله نیک بتون قوت معناسیله فیاض و حیانتدار بر مدنیت چیقمنه باشلامشدی . بو مدنیت ، یکی اساسلر اوزرینه قورولیوردی . مصرک ، یونانک ، آتورک انسال منقرضه سندن آلتیش بر مدنیت دکلدی . بو تجلیات مدنیله مؤثرنده کی قدرت و نفوذ نظری اثباته کافیدی . هیچ شبهه یوقدرکه « اسلام » دینی « مدنی » اولمق اوزره قورولمشدی و بانی معظمی ده مکارم و محاسن تلقین و وعظایمک .. بتون اقوال و افعالده یالکیز بونی کوسترمکله مشغول اولمش ایدی .

فخر عالمک تعلیم حقائقه باشلادیغی قرنک ادوار تاریخیه سنی تدقیق ایدنجه بتون کائناتی درین برجهالتک سینه خراش تخریباتی اورته سنده بولیورز .
متروکات مدنیله رینی بوکون ایکی قازمه نیک اوجیه بولوب چیقاردقجه بوکونکی حیات مدنیتمزه بک یقین آثارینه تصادف ایدرک آوازه استغراق ایله تقدیر ایلدی کمز مصریلرک ، کادانیلرک ، یونانیلرک او محتشم و معلا مدنیستی دست تخریب زمان ایله محو اولمشدی ..
نیل کنارنده ، فرات وادیسنده ، آتیه اوکنده پارلایان انوار مدنیت بر انجساف کای ایله افول ایتش ویرینه قویو قارانتلق برجهل حیوانی قائم اولمشدی .

سقوط یالکیز حیات مدنیله ده دکلدی . قرن اولک بک تقدیر کارانه آلتشلا دیغمز فضائل و معالیمی ده تباہ اولمشدی و صانکه انسانیت قرون اولینک حرکات فکریه سندن یورولاریق آرتق ارتحال ایدیور .. آرتق حرکت ایتدیکی نقطه ابتدائی به رجعتله خطوه خطوه ایلک باباسنک وحشت آلود عمر حزینته دوغری یوزویوردی ..

خواجه عالم تعلیم حقائق ایدرکن ابن مریمک دینی صافیت تبلیغیه سنی غائب ایتش ... بنی اسرائیلک پریشانی حیاتی احکام موسویه یی او هام و خرافاته بوغمش و بتون دنیایه حاکم اولان شو ایکی دین اساسلرینی ایدیا

ضایع ابدرك یرینه ذین. وَالله نأمنه تکلم ایتمکه خلقی حضور
جبروتنده ایکی بوکولوم تذلیل ایله بن بر شرذمه روحانیه
پیدا اولمشدی .

آرتق نه مصرک ذی عظمت آهراملری آلتنده فیضناک
برمدیتک یوکسک و مختشم آثاری نه رومالیرک ذی وقار
وحشمت موجودیتدن فیلامش معظم مدیتی ... نه ده
یونانیلرک دهایی سحاریله اورتیه چیقمش آثار فکریه سی
قالما مشدی .

شعاعات فکریه اوقدر سونمشدی که هر طرفه درین
برایکلتی ایچنده دسپوطلرک، مستبدلرک اوکنده حیوانات
اهلیه ایله همجال بر انسان سوروسندن باشقه بر شی
یوقدی. ایشته کائناتی قاپلایان بوقویو قارائلق اورتسند
برکوکبه عرفان و هدایت اولارق پارلایان یالکز اسلام
دینی ایدی . مسلمانلغک شرائط بروزیله موسویلاک
و نصرانیتک طراز ظهوری آراسندهده پک بیوک فرق
واردرد. موسویلاک ظلم فرعون ایله آزرده بر خلقی خلاص
ایتمک امیدیه و عدلرله طولوکدی و قوم بنی اسرائیلی
ارض کنعانه کوتوررکن بونک شرائط خصوصیه سنده
جنکا و رلک و متانت نمایان اولیوردی . حضرت موسی
دائما موعود ارضک انعام و الطاقدن بحث ایدرکن اوکا
امکان و صولک فدا کارلقده اولدیغنی سوبلیه رک امتی
تشجیع و تهییج ایدیوردی . و وادی تیهده ایچیه بر حیات
سرسری یاشایان بنی اسرائیل ارض موعودی استیلا
ایچون لازم سجیه مالک اولنجهیه قدر سوروندیلر ..
نهایت اوسویهیه ایریشنجه بکه دکگری قطعهیه داخل
اولا بیلدیلردی .

حضرت موسی دائما امته شجاعت دلیرانه دن بحث
ایدرک خلقک اعصاب غیرتی تحریک ایلور ، بنی اسرائیلک
قوم منتخب اولدیغنی سوبلیه رک جناب حقک بو مخلص امته
تقدیر ایتدیکی حظوظات دنیویه ایله مکافات مؤبدیه
وصول ایچون عسکرجه حرکتدن باشقه چاره اولما دیغندن
بحث ایدیوردی .

حضرت غیبی اینسه هیچ بر زمان بویله دکلدی .
اونک دوغدینی محیطک حالی پک باشقه ایدی . مغرور
و متحکم یاشامش بر امت فرید ایکن بتون تاریخ ابدشانیله
استقلالنی غائب ایش بر محیط ایچنده دوغدی . بابلک
بلای اسارتی چکمش بر نسلک بتون حسیات مفتوری ،
بر خلاصکاری بکه مکدن عبارتدی . . . ارتکاب ایدیلن
معاصینک جزای شدیدیه تتره بن بر خلقک بکه دینی
یاومک الطافی .. وعد ایدیلن خلاصکارک وزودی ایدی .

ابن مریم موسانک حماسیانه مقابل نشاند صبر و ماتم
اوقویور ، اوکا ایمان ایدن اشخاص معدودهیه آرام
وسکون ، دهرک بلاسنه قارشى تحمل امر ایدیوردی .
جناب یسوع دوغدینی زمان قومی روما اسارتک
دهشتلی زنجیرلری آلتنده ازلیوردی و ایشته اونک ایچون
زواللی پیامبر بکه نیلن خلاصکار حقیقی ایکن اونو بکه یئزلرک
مغدوری اولدی .

بویکی شریعتک آردندن کلن شریعت اسلامیه اینسه
هیچ بویله دکلدی . . نور اسلامک ظهوری ؛ آرتق ،
نه عیسویلاکک ، نه موسویلاکک بر کره آرام و ایماتی غائب
ایتمش بشریتی تطمین ایده مدینی زمانه تصادق ایلشدرکه
حضرت فخر کائنات ایشته ایکی شریعتی جمع و حفظ
ایله شریعت حقیقیه بی کتیرمشدی .

اسلام و ایمان، ادراک و عرفان دیتکدی .. پیغمبرک
بتون حیات مجاهده سی جهله ، تعصبه قارشى ایدی و نهایت
اکال وظیفه نبوتله آرامگاهنه چکلدکن صوکر ا قوردیغنی
مبنای معلا اساسلی رکئلری ایتنا ایلوردی .

هنوز بر عصر کچمه مشدی که هر خالده نصرانیتک
حکمران اولدینی بقاع مظلومه یاننده منور بر ساحه
بشریت کورنیوردی . مدنیتک ایجاب ایتدیکی تأسیسات
میدانه کیشدی . امویلرک حکومتیه نهایت ویره ن سفاحک
اسلافی عراقی بوکونکی جهان مدنیتک مرکز فعالیت
حاله کتیرمشلردی .

سنجار اوواسنده حرکات جویه بیه تدقیق اولیور ،

بغداد و قزطبه، مصر مدارس عرفانده علوم و فنون طاشقین زشاهلر ایله جهان اسلامی احاطه ایدیلوردی. ماوراءالنهر قدر قول سالان حرکات عالیه، جاججا یتیشن علما سایه سنده هر کون بر آز داها فیضدار بر آز دها عالم شمول بر حاله کلیوردی.

بغدادک، سمرقندک، بخاراک، بوکونکی فرانسه، انگلتره کبی بر موجودیتی واردی. علمانی، ادبانی، شاعرلیله و معظم و جلیل بر مدینتک بتون آثار فیضیه هر طرفده بر حیات شوقا شوقا کلیور. هر یرده آثار عمران پارلا یوردی.

سمرقند، بخارا اووالری بوکونکی مجارستانک دائما یشیل طوران ترلاری کیدی. هراقشام اوستی مدرسه لرندن چیقان طلبه اسلام دیارینک شعشه دار استقبالی حاضرلیه بحق بر عرفان اردوسنک موجودیتی اثبات ایلوردی. داها اوتده شاد و خرم ایرانک راهبر یتیشدیرن محیط نوارنده نه قدر ذکال پارلامش، نه قدر ارباب فن و حکمت یتشمشدی. و یونکله برابر غریک انقلابات فکریه سنی حاضر لایه رق بر دوره اتباه آجان بویوک فیلسوفلری هنوز مسائل عقلیه بی دوشونک ایچون دنیایه گلزدن اول دیار اسلامده هر حاله عددلری غرب علمای حاضرندن آزا اولیان متفکرین یتشمشدی.

خلافت عباسیه نک رونقدار کونلری ثروت و داراتک تأثیرندن زیاده متفکرینک سایه سعینده میدانه کلشیدی. دینی، ریاضی، فلسفی، حقوقی، شرعی مسائل وضوح تامیه مناقشه ایدیلور. علما بر یردن دیکرینه قوشارق هر طرفه ضیا، نور، حقیقت صاچوردی.

ایشته بو مدینت اسلام مدینتی ایدی. غریک قرون اولی ایله قرون اخیره آره سنده آچیق قالان او مظلم کونلری اسلام مدینتک بو پارلاق تاریخنک بحق طولیدر دینتی انکاره امکان یوقدر.

بو قدر بیوک و ذی شعشه بر مدینت البته جهلک، تعصبک محصولی دکادی. شو حالده او مدینتک اسباب

ظهوری هر حالده اسلامیت ایدی. چونکه اونک سینه سنده و اونک فیضیه یتیشن علمای متکترینک محصوله عرفان و اجتهادی ایدی. آلتنجی عصر اسلام، مدینت اسلامیه نک انقراض و رخت نامهنکامنه تصادف ایدرکه ایشه بزده بو مدینتک اسباب انقراض و سقوطی تحری ایتمک عزمنده یز.

آلتنجی عصرده اسلام مدینتی صاریلماز اساسلری قورمشدی و بواساسات مدنی هر کون داها زیاده رصانت بولیور، حرکات فکریه چوغالیور، بتون اسلام دیارینی قاپلایان نور فن و معرفت توسیع دائره ایلوردی.

مدینت اسلامیه نک بو ماضی شعشه به داری بردن انخساف ایدنجه بوکون المزده بالکیز او شوکتلی مدینتک انقاض تارمارندن باشقه برشی قالمامشدر. و بقیه السیوف اولان بو آثار متروکه اوسته قوریلان مدینت ایسه ایشه غرب مدینتیدرکه بز اوندن مستیر و مستفیض اولمغه چالیشیورز.

آلتنجی عصر هجریده بو مدینتی کیملر بیقیدی و یچون بیقیدیلر؟ صانیرسم، تاریخنک تنقید بی امانندن هر حالده قورتولماسنک امکانی اولمایان بو دست تخریبی آرامق بزم ایچون آرتق بر وظیفه وطنیه حاله کلشدر.

چونکه شو صوک کونلرده مملکت مزده کوریلن بعض حرکات ملیه بو حقائق تاریخیه نک بتون عریالغیه مطالعه سنی ایجاب ایدیلور. صوکر ا بتون عثمانی - اسلام کنجلیکی تعقیب ایده چکی خط حرکتی کنیدیسی تعیین ایده بیلیر. بز ایشه مدینت اسلامیه ایله عین موقع محاکمه یه اقعاد ایتمک ایسته دیکمز اوچ سیای تاریخی بی هیچ بر حس ملیه، بر حرص شخصی، بر تعصب مذهبی، و نهایت هیجان دینی قابله رق برر برر کندی تاریخ حیات و وقایعه تدقیق ایتمک ایسته رز.